

1.2 Liber 2^o 161

DE AVTO-

RITATE ET PO-

testate Generalis Con-
ciliij.

TESTIMONIA XXX

solida ac merito irrefragabi-
lia in quintuplici Dif-
ferentia.



CONFUTATIO XXX PROPO-

sitionum quæ Vuitenbergæ dispu-
tatae sunt.

LXX. PROPOSITIONES

pro Conciliorum Generalium

Autoritate. 330 n 400

PER IOHANNEM COCHLAE-

um Canonicum Vratislanensem.

M. D. XLV.

CHITRA
PRAKASHAN
NEW DELHI

REVEREN-

DISSIMO IN CHRI

STO PATRI, ILLVSTRISSIMO

Principi ac Domino, Domino Christophoro,

S. R. E. Cardinali, Episcopo Tridentino, &

Administratori Brixinensi &c.

Domino suo Clementiss.

S. P. D.



Eucredissime Pater, Presul ac
Princeps Illustriss. Clementissim
meq; Domine, ac Patrone perpe
tuo memorande, Si benignissimā

Gratie tue uocationē (quam Re
uerendiss. & Illustriss. Celsitudo tua mihi pro
pria sponte ac ultronea largitate, ante annos
Quinq; obtulit Hagenoia) prudenti consilio se
quutus fuissē: iam pridem Canonicus essem in
Celebri & sancta Ecclesia tua Tridentina, nec
opus esset mihi nunc querere Tridenti, tanquā
peregrino & aduenae hospitium, sed stabilis ac
fixus essem domus propriae (si qua res mihi pro
pria dici queat) in felici ac praeclara illa ciuita
te tua inhabitator, & uiuerem domi inter libros

A 2

mibi

P R A E F A T I O.

mihi notos & usitatos, sicut ipse uelim, ubi lice-
 ret mihi libere uocare ad me quoslibet amicos,
 siue ad colloquia mutuae dilectionis & amicæ
 pro inquirenda ueritate disputationis, siue ad
 frugale prandiolum aut ad mutos in Bibliotheca
 mea magistros. Sed infœlix ego, etsi meo pte
 desyderio cupiebam eam fortunam & Pietatis
 tuæ innatæ (quam nulla in te merita mea præces-
 serant) beneficentiam summa cum gratiarum
 actione amplecti, aliorum tamen consilia sequu-
 tus, tam optabilem fœlicitatem è manibus dimisi.
 Dicebat inter ceteros Reuerendus, pius & eru-
 ditus Dominus, Iohannes faber, Episcopus Vie-
 nensis, fœlicis & claræ memoriæ, Si Tridentum
 migraueris Cochleæ, uix bene finitis sex mensi-
 bus mortuus breui nobis denunciaberis episto-
 lio, quia aëri illi assuetus non es, Remanæ igitur
 potius apud nos, quia Ecclesia magis hic in Ger-
 mania aduersus hæreticos, quam Tridenti
 (ubi nihil possunt hæretici) tuam requirit ope-
 ram. Ne uero tam piæ ac ultro mihi oblatae
 beneficentiæ tuæ uideat immemor aut oblitus,
 eam hoc breui libello, toti Concilio Generali
 (quod Tridenti nunc fœliciter congregatum
 celebratur) notam ac testatam facere satago.

Quem

PRAEFATIO.

Quem sane libellū Germanice scripsi ac euulgau
 ui ante annos Octo, nunc uero raptim à me uer-
 sum latine propter Externas Nationes, adendū
 Typographo, affini meo, Moguntiam transmit-
 to, ut tardiore meam ad Concilium profectione
 nem utcunq; faciat excusatam. Bene ualeat Celsi-
 tudo & Amplitudo tua eminentissima. Reueren-
 disime ac Illustrissime Princeps ac Domine,
 hocq; meum qualecunq; gratificandi studium,
 & grati animi testimonium, clementissime in bo-
 num accipiat. Ex Eystet ciuitate, Quarto

Nonas Septembris, Anno Domini

M. D. XLV.

E. R. & Ill. Cels. t.

Deuotissime addictus Cli-
 entulus.

Iohannes Cochleus.

A 3

Ad

AD LECTOREM PRAEMONITIO.



I uerus es Christianus, o lector, & ullā in te habes scintillā ueræ dilectionis erga Deum & proximum, facile cognoscis, quidnam intendant Nonæ sectæ, quæ Generale Concilium, contra omnem scripturam & contra ius omne conuicunt, propter hoc unum, quod superbe inflati: nemini cedere aut obedire dignantur, timentes, ne per spiritum sanctum in Generali Concilio restituatur nobis Generalis pax & cōcordia, per quam ipsi sectarum Duces nomen autoritatemque suam possint amittere: si sectatores eorum hodierni dicerentur, non amplius Lutherani aut Zuingliani aut

aut Anabaptistæ, sed simpliciter Christiani, sicut antra. Hoc ferre non possunt, sed remanere potius ac emori malunt in perpetuo dissidio ac schismate, summo cum exitio inœlicium animarum suarum, atque essent corporum tandem suorum, quæ una cum animabus ipsorum æternis addicentur cruciatibus Inferni. Vsq; adeo cæco tenentur amore uanæ gloriæ nominis sui, ut apud complices & asseclas suos illud retineant, etiam si toti Germaniæ ob hoc pereundum sit. Rebelles hæcenus fuerunt Ordinarijs Potestatibus suis Ecclesiasticis, temeritate propria, quas contra Paulum & omnia iura contemnunt, Restiterunt item & Ro. Imperatori & summo Pontifici, eorum mandata, Iurisdictiones, commissionesque & iudicia flocci facientes. Si ergo liceat eis nunc Generale quoque Concilium contemnere, quæ unquam poterit reparari pax aut concordia, si

A

4

nullius

DE AVTORITATE

nullus iudicio suæ discordiæ causam
submittere uolunt: Hæc expende pie
lector & cogita, eos, si bonam habe-
rent causam, nequaquam fugituros
esse lucem Generalis Concilij, quo
nullus est in terris Iudex maior certi-
orq; & celebrior,

IN XXX TESTI-

monia Præfatio.

Q Vanquā Principes & status,
Lutheri sectæ adhærentes, in
plærisq; Conuentibus Impe-
rii publice & desyderarunt & appella-
uerunt Generale Concilium: non
erubescunt tamen Lutherus & com-
plices sui, Vuittenbergæ contra Gene-
rale Concilium publice & disputare
& scribere. Vnde intelligi potest, Lu-
theranos nunquam ex animo & serio
Conciliū desyderasse, Lutherus enim
semper illud recusauit, Præsertim cum
esset Vormatiæ constitutus. Vbi neq;
Cæsar

Anno 15
21.

Cæsar ipse, neq; ulli Principes aut status ei persuadere potuerunt, at uel causam suam futuro Concilio Generali committeret, aut scripta sua illius iudicio submitteret. Quin immo sacrum Concilium, Constantiæ celebratum (cui tamen se Tres inter sese discordes Pontifices submiserunt) atrocissime infectatus est, atq; adeo Concilia uniuersa proprio iudicio suo subiecit, ac inter eos articulos suos, quos LEO Papa Decimus damnauit, unum posuit asseruitq; cuius hæc sunt uerba.

Via nobis facta est eneruandi auctoritatem Conciliorum, & libere contradicendi eorum gestis, & iudicandi eorum decreta, & confidenter confitendi quicquid uerum uidetur, siue probatum siue reprobatum fuerit à quocunq; Concilio.

Hunc autem aliosq; Lutheri articulos, à prædicto Leone damnatos, ualidissime scripturis & rationibus con-

A 5 futauit

Luth. In
assertione
art. 29.

DE AVTORITATE

Episcopus futauit sanctissimus & Doctissimus
pus Ros- uir, Iohannes Fischerus, Episcopus
sensis. quondam Roffensis in Anglia, Insi-
gnis nostris temporibus propter ueri-
tatem Martyr Christi, Qui hunc Lu-
theri articulum pro omnium pestilen-
tissimo habuit, sic dicens. Non potest
quisquam articulus hoc uno pestilen-
tior excogitari. Tollit enim uniuersū
totius Ecclesiæ robur, sed & animos
Christianorum prorsus incertos red-
dit, cui potissimum credere debeant.
Nam si Generali (inquit) Concilio se-
cure credi non posset, cuius erit auto-
ritati credendum?

Non miror igitur, Lutherum nunc
xxx. propositiones contra Generali-
um Conciliorum auctoritatem Vuit-
tenbergæ disputare ac in publicum
euulgare, cum id antea quoque non ra-
ro fecerit. Miror autem, quo nam ani-
mo & qua fronte ad futurum Conci-
lium publice appellauerint sectatores
eius,

eius, qui non ignorabant, quid de eo sentiret Lutherus. Nec minus miror patienter hæc ferri in Ro. Imperio, Cum Conciliorum autoritas tam multa, eaq̃ clarissima, habeat testimonia, non solum in sacris literis utriusq̃ Testamenti, uerum essent in Legibus Imperialibus, Quorum nonnulla breuiter commemorabo, antequam dictas Lutheri propositiones xxx confutare aggrediar.

SEX TESTIMONIA

pro Conciliorum autoritate ex Veteri Testamento.

Primum, Ex Deuteromio sumptum sic habet. Si difficile & ambiguum apud te iudicium esse prospexeris inter sanguinē & sanguinem, causam & causam, lepram & non lepram. Et iudicium intra portas tuas uideris uerba uariari, surge & ascende ad locum quem elegerit Dominus Deus

Deut, 17.

DE AVTORITATE

Deus tuus, Veniesq; ad sacerdotes Leuitici generis, et ad iudicem qui fuerit illo tempore, quæresq; ab eis: qui indicabunt tibi iudicij ueritatem, & facies quodcūq; dixerint qui præsunt loco, quem elegerit dominus.

Secundum. Ex libro Iudicum, ubi contra Gabaonitarum scelus publice consultatum fuisse narratur, in hæc uerba. *Iud. 20.* Egressi itaq; sunt omnes filij Israël, & pariter congregati, quasi uir unus; de Dan usq; Bersabæ & terra Galaad, ad dominū in Maspha, omnes quoq; anguli populorum, & cunctæ tribus Israël, in Ecclesiam populi Dei conuenerunt. Quadringenta milia peditum pungnatorum. Et post pauca. Adestis omnes filij Israël, decernite quid facere debeatis, Stansq; omnis populus, & quasi unius hominis sermone respondit. Non recedemus in tabernacula nostra, nec suam quisquam intra bit domum, sed hoc contra Gabaa in commune

CONCILIORVM.

173

commutue faciemus.

Tertium. Ex secundo libro Regū, 2. Reg. 5
vbi sic legitur. Et uenerunt uniuersæ
tribus Israel ad Dauid in Hebron, di-
centes. Ecce nos os tuum & caro tua
sumus. Et infra. Venerunt quoq; & se-
niores Israël ad Regem in Hebron, &
percussit cum eis Rex Dauid foedus
in Hebron corā Domino, unxeruntq;
Dauid in Regem super Israel.

Quartum. Ex altero libro Paralipo 2. Par. 34
menon, de religioſissimo Rege Iosia,
qui post inuentum per Helchiam sa-
cerdotem librum legis Domini, con-
uocatis uniuersis maioribus natu Iuda
& Hierusalē, ascendit in domum Do-
mini, unaq; omnes uiri Iuda & habita-
tores Hierusalē, sacerdotes & Leui-
tæ, & cunctus populus à minimo usq;
ad maximum, Quibus audientibus in
domo Domini legit Rex omnia uer-
ba uoluminis. Et stans in tribunali
suo, percussit foedus coram Domino.
Quintum

DE AVTORITATE

I. Esdr. 10.

Quintum. Ex Esdræ libro primo,
Vbi Esdras congregato in unum po-
pulo persuasit autoritate legis, dimitte-
re uxores alienigenas. Dixerunt itaq;
post multum pœnitentiæ fletum ad
eum filij Israël per os Secheniæ. Nos
preuarificati sumus in Deū nostrū, &
duximus uxores alienigenas de popu-
lis terræ. Et nunc si est pœnitentia in
Israel super hoc. Percutiamus fœdus
cum Domino Deo nostro, ut proj-
ciamus uniuerſas uxores & eos qui de
his nati sunt, iuxta uoluntatem Domi-
ni & eorum qui tenent præceptum
Domini Dei nostri, secundū legē fiat.
Surge, tuum est discernere, nosq; eri-
mus tecum. Confortare & fac. Surre-
xit ergo Esdras, & adiurauit Principes
sacerdotum & Levitarum & omnem
Israel, ut facerent secundum uerbum
hoc, & iurauerunt.

Sextū. Ex Psalmis Dauid. Sic enim
ait in Psalmo 34. Confitebor tibi Do-
mine

mine in Ecclesia magna, in populo
 graui laudabo te. Item. In Psalmo 88.
 Confitebuntur cœli mirabilia tua Do-
 mine, etenim ueritatem tuam in Eccle-
 sia sanctorum. Deus qui glorificatur
 in consilio sanctorum. Et in Psalmo
 CX. Confitebor tibi Domine in toto
 corde meo, in consilio iustorum &
 congregatione.

Huiusmodi testimonia complura
 facile colligi possent ex alijs quoque li-
 bris Veteris Testamenti, præsertim ex
 prophetis, quæ breuitatis gratia hic
 omittuntur. Nam ex ijs iam adductis
 quilibet intelligere potest, non con-
 temnendam esse Conciliorum autori-
 tatem, quæ in magnis Ecclesiæ causis
 & negocijs, recte discernendis ac sta-
 biliterr definiendis, plurimum habet
 momenti. Non enim à casu, ut Luth-
 erus male disputat, sed ex spiritus san-
 cti instinctu discernitur in ijs ueritas,
 Quemadmodum iam ex Psal. 88. di-
 ctum,

*Veritas
 querenda
 in Concilio*

DE AVTORITATE

Etum est, Veritatem tuam in Ecclesia sanctorum. Quare huiusmodi congregationum decretis contradicere non licet, sicut supra circa primū testimonium, In textu legis additum est, sub poena mortis, ne quis cōtradicat. Neq̃ ulla habentur exempla scripture, ubi licuisset alicui eis impune contradicere, sicut nunc impie contradicit plurimis Lutherus.

SEX TESTIMONIA

*Ex Novo Testamento, Pro Conciliorum
Auctoritate.*

Matt. 16. **P**rimum. Ex Matthēo. Vbi ait Dominus Petro. Et ego dico tibi, quia tu es Petrus, & super hanc petram ædificabo Ecclesiam meam, & portæ Inferi non præualebunt aduersus eam. Quum igitur Christus ipse petra sit, teste Apostolo 1. Cor. 10. Et ipsa met ueritas, sicut ait Io. 14. Ego sum uia ueritas & uita, Non est credendum,

dendum, quod Ecclesia (quam Generale Concilium repræsentat) à ueritate aberret, cum sit supra firmam petram ueritatis ædificata.

Secundum. Ex eodem Matthæo. Vbi sic ait Christus. Quod si non audierit eos, dic Ecclesiæ: Si autem Ecclesia non audierit, sit tibi sicut Ethnicus & Publicanus. Et rursus. Iterum *Matt. 18.* dico uobis, quia si duo ex uobis consenserint super terram de omni re, quamcunque petierint, fiet illis à patre meo qui in cœlis est. Vbi enim sunt duo uel tres congregati in nomine meo, ibi sum in medio eorum. Audienda est igitur Ecclesia in Generali Concilio, quia in nomine Christi sunt ibi multi in unum congregati. Ergo in medio eorū Christus est. Quapropter non est eis contradicendum, ubi enim Christus est, ibi falsitas aut error locum non habet. *Luc. 12.*

Tertium. Ex luca. Vbi sic ait Dominus.

B

nus.

DE AVTORITATE

nus. Petite, & dabitur vobis: quærite, & inuenietis: pulsate, & aperietur vobis. Omnis enim qui petit, accipit, & qui quærit, inuenit: & pulsanti aperietur. Et post pauca. Si ergo vos, cū sitis mali, nostis bona data dare filijs vestris, quanto magis pater uester de cœlo dabit spiritum bonum petentibus se? Quū igitur in Generali Concilio semper petatur à patre cœlesti spiritus veritatis, ad recte credendum & intelligendum, quando ei dicitur in solenni Collecta. Da nobis in eodem spiritu recta sapere: Nequaquam suspicandum est, quod erret huiusmodi Concilium legitime congregatum. Hoc enim foret cōtra Christi promissionem, qui utiq; non fallit, sed fidelis permanet, quia seipsum negare non potest.

2. Tim. 2.

Ioh. 14.

Quartum. Ex Iohanne. Vbi rursus ait ipse Dominus. Paraclitus autē spiritus sanctus, quem mittet pater in nomine

CONCILIORVM.

nōmine meo, ille uos docebit omnia,
 & suggeret uobis omnia quaecunq;
 dixerō uobis. Pacē relinquo uobis, pa-
 cem meā do uobis. Et rursus. Sed ego *Iob. 16.*
 (inquit) ueritatē dico uobis. Expedit
 uobis, ut ego uadam. Si enim nō abie-
 ro, Paraclitus non ueniet ad uos. Si au-
 tem abiero, mittam eum ad uos. Item.
 Adhuc multa habeo uobis dicere, sed
 non potestis portare modo. Cum au-
 tem uenerit ille spiritus ueritatis, doce-
 bit uos omnem ueritatem. Hæc ipse
 Dominus. Aduersus cuius ueritatem
 impie detrahit Concilijs Lutherus, di-
 cens ea raro, & non nisi à casu, attin-
 gere ueritatem.

Quintum ex Paulo. Qui etsi mul-
 ta passim suis in Epistolis pro Con-
 ciliarum autoritate docet, hic tamen
 amore breuitatis ex Duabus tantum
 Epistolis allegabitur. Etenim in Epi- *Ephes. 1.*
 stola ad Ephesios sic ait. Et ipsum
 dedit caput super omnem Ecclesiam,

B 2 quæ

DE AVTORITATE

quæ est corpus ipsius, & plenitudo eius, qui omnia in omnibus adimplet.

C.3. Item. Vt innotescat (inquit) Principibus & Potestatibus in cœlestibus per Ecclesiam multiformis sapientia Dei, secundum præfinitionem sæculorum.

C.5. Item. Viri diligite uxores uestras, sicut & Christus dilexit Ecclesiam, & seipsum tradidit pro ea, ut illam sanctificaret &c. Hæc igitur erroris aut falsitatis

*Ecclesia
Corpus et
sponsa
Christi.*

arguere, nihil aliud est quam corpus & sponsam Christi diffamare ac meretricem facere, patriq; mendaciorum sponsam veritatis copulare. At rectius de ea sentit in alia quo epistola Paulus, magnus ille veritatis præco & Do

1 Timo.3 ctor gentium. Ita enim ait. Hæc tibi scribo, fili Timothee, ut scias, quomodo oporteat te in domo Dei conuersari, quæ est Ecclesia Dei uiui, Columna & firmamentum veritatis.

Sextum. Ex Actibus Apostolorum, Vbi certe permulta testificatur Lucas

in

CONCILIORVM.

In historia de spiritu ueritatis in Ecclesia & congregatione sanctorum, Capitulo 1. quando eligendus erat in locum Iudæ Mathias Apostolus, Cap. 6. quando eligendi erant vii. Diaconi, Cap. 15. quando fideles ex gentibus ab onere legis eximendi erant, Vbi sane magna & autoritate & fiducia dixit uenerabile Apostolarum & seniorum Conciliū, Visum est spiritui sancto & nobis, nihil ultra imponere uobis oneris &c. Item Cap. XX. Vbi ad maiores natu Ecclesiæ sic ait Paulus Apostolus, Attendite uobis & uniuerso gregi. In quo uos spiritus sanctus posuit Episcopos, regere Ecclesiam Dei, quam acquisiuit sanguine suo. Ex his itaque patet, eos, qui legitime congregatum Concilium falsitatis aut erroris inculpare non uerentur, blasphemare & peccare in spiritum sanctum, qui ponit Episcopos regere Ecclesiam Dei, De quo in primo Concilio uera-

Blasphemia in spiritum sanctum.

DE AVTORITATE

citer dictum est, Visum est spiritui sancto & nobis.

Cypri. li.
1. Epist. 3. Acerrime itaq; tales Episcoporum hostes & contemptores redarguit S. Cyprianus. In plæriscq; epistolis, ubi dicit, illos seipsos constituere iudices, non tam Episcoporum, quam Dei & Christi, qui sacerdotes constituit. Nisi si ita est (inquit) aliquis sacrilegæ temeritatis ac perditæ mentis, ut putet, sine Dei iudicio fieri sacerdotes: Cum Dominus in Euangelio suo dicat. Nonne Duo passeret asse ueneunt, & neuter eorum cadit in terram sine patris uoluntate. Hoc est fidem non habere qua uiuimus, hoc est Deo honorem non dare, cuius nutu & arbitrio regi & gubernari omnia scimus et credimus. Hæc Cyprianus.

SEX TESTIMONIA

Ex legibus Imperatorum, Pro Conciliorum Auctoritate.

Quana

CONCILIORVM.

Q Vanquam sacra scriptura (cuius testimonia quædam iam supra sunt recitata ex utroq; Testamento) abunde sufficit & apud omnes Christianos indubitata fidei autoritatisq; est: Ex abundantia tamen superaddam & alia quædam testimonia ex legibus Imperatorum, quæ Lutherani uerecunde recusare non possint. Quandoquidem Lutherus ipse & Philippus eius, publice testati sunt in uisitatione Saxonica, Obediendum esse Imperatorum legibus ac sæcularium Potestatum mandatis haud secus atque Dei uocibus & diuinis oraculis. iuxta illud scripturæ. *Proh. 16.* Diuina uo in labijs Regis.

Primum igitur Testimonium sit Trium Imperatorum, uno & eodem tempore Augustorum, nempe Gratiani, & fratris eius, Valentiniani Vndecimi & Theodosij Primi. Quod inter leges Codicis Iustiniani primum

B 4 obinet

DE AVTORITATE

*C. de sum
ma Trini.
l. l.*

obtinet locum. In hæc sane uerba. Cum
ctos populos, quos Clementiæ no-
stræ regit Imperium, in tali uolumus
religione uersari, quam diuinum Pe-
trum Apostolū tradidisse Romanis,
religio usq; adhuc ab ipso insinuatā
declarat, Quam quod Pontificem
Damasum sequi claret & Petrum Ale-
xandriæ Episcopum, uirum Apostoli-
cæ sanctitatis. Et post pauca. Hanc (in-
quiunt) legem sequentes. Christiano-
rum Catholicorum nomen iubemus
amplecti: reliquos uero dementes uæ-
sanosq; indicantes, hæretici dogmatis
infamiā sustinere. Hæc lex ista. Ex qua
Lutherani, quam diu Ro. Pontificem
pro Antichristo habent, non Catholi-
corum sed hæreticorum nomen pa-
lam agnoscere debent, & non nisi per
pœnitentiam resipiscendo hanc infamiam
abolere poterunt.

Secundum. Eorundem trium Im-
peratorum mandatum est, lege mox
sequenti,

sequenti, Arceantur (inquiunt) cunctorum hæreticorum ab illicitis congregationibus turbæ: Vnius & summi Dei nomen ubiq; celebretur. Nicenæ fidēi, dudum à maioribus traditæ, & diuinæ religionis testimonio atque assertione firmatæ, obseruantia semper mansura teneat. Et infra. Ut cunctis Orthodoxis Episcopis, qui Nicenam fidem retinent, Catholicæ Ecclesiæ toto orbe reddantur. Hac lege confirmatur fides autoritasq; Niceni Concilij nominatim. Quod autē de alijs tacetur, inde accidit, quia ante horum trium Imperatorum tempora non alia, præter unum Nicenum. Fuerunt Generalia celebrata Concilia. Quod igitur de Niceno ab his statutum est, de alijs quoq; Generalibus, quæ postea celebrata fuerunt, Concilijs statutum esse pari ratione intelligitur. Quia omnium una est ratio & autoritas.

C. eo. tit.

L. Nullus

Nicenum

Conciliū.

B 5

Tertium.

DE AVTORITATE

*Ibidem l.
seq. Ne
mo.*

Tertium. Martiani Imperatoris est, lege mox sequenti. Nemo (ait) Clericus uel militaris uel alterius cuiuslibet conditionis, de fide Christiana publice, turbis coadunatis & audientibus, tractare conetur in posterum, ex hoc tumultus uel perfidia occasionem requirens. Nam & iniuriam facit iudicio. Reuerendissimæ Synodi, si quis semel indicata ac recte disposita reuoluere, & publice disputare contenderit. Et post pauca. Nam in contempto res huius legis pœna non deerit. Quia non solum contra fidem uere expositam ueniunt, sed etiam Iudæis & Paganis ex huius certamine prophanant ueneranda mysteria. Hæc Martianus, pijsissimus Imperator. Quæ si nostris temporibus fuissent custodita, non essent hodie tot & in fide & in Imperio per Apostatarum sceleraurbationes.

Quartum, Iustiniani est Imperatoris,

ris, qui ad Ro. Pontificem. Iohannem **Ex tit. I.**
 II. scribens sic ait. Nos reddentes ho- **scq. Nos**
 norem sedi Apostolicæ & uestræ san- **reddētes.**
 ctitati, quod semper nobis in uote
 fuit & est, ut decet. Patrem honoran-
 tes uestram Beatitudinem, omnia que
 ad ecclesiarum statum pertinent, festi-
 nauimus ad notitiam deferre uestre
 sanctitatis. Quoniam semper nobis
 fuit magnū studium, unitatem uestre
 Apostolicæ sedis, & statum sancta-
 rum Dei ecclesiarum custodire, qui
 hactenus obtinet, & incommote per-
 manet, nulla intercidente contrarieta-
 te. Ideoq; omnes sacerdotes uniuersi
 Oriētalī tractus & subijcere & unire.
 Sedi uestre sanctitatis properauimus.
 Et infra. Suscipimus autē sancta **III. Con-**
 tuor Concilia. Id est. CCC & XVIII. **cilia pri-**
 sanctorū patrum qui in Nicēna urbe **ma.**
 congregati sunt. Et CL. sanctorū pa-
 trū, qui in hac Regia urbe conuenerūt
 Sanctorum patrum qui in Epheso pri-
 mo

DE AVTORITATE

J. A. 27 mo congregati sunt. Et sanctorum pa-
204 85 trum qui in Chalcedone conuene-
runt: sicut uestra Apostolica sedes do-
cet atq; prædicat. Hæc ibi Iustinianus
Pium Pa- Imp. Cui respondens Papa Iohannes
pe ad Im- II. Inter cætera sic ait. Aequum quip-
per. respō pe est, ut qui nostris minime obædien-
sum. tiam accommodant statutis, ab Eccle-
sijs habeantur extorres, Sed quia gre-
mium suum redeuntibus nunquam
claudit Ecclesia, obsecro Clementiam
uestram, ut si proprio deposito erro-
re, & praua intentione depulsa, ad uni-
tatem Ecclesiæ reuerti uoluerint, in ue-
stra communione receptis indigna-
tionis uestræ remoueat aculeos, &
nobis intercedentibus benigni animi
gratiam condonate. Hæc ibi. Quid ue-
ro ijs clarius aut efficacius dici aut pro-
ferri queat in nouam Lutheri & com-
plicitum eius contra sedem Apostoli-
cam & Generalia Concilia contuma-
ciam, impiamq; rebellionem & con-
temptum? Quin-

CONCILIORVM.

189

Quintum. Eiusdem Iustiniani est *In Autt. Collatio*
ne 9. Constitu. 6. 1a prim.
 In Autenticis. Vbi sic habetur. De re-
 gulis Ecclesiasticis & priuilegijs, a-
 lijsq; capitulis, ad sacrosanctas Eccle-
 sias & reliquas uenerabiles domos
 pertinentibus, præsentem proferi-
 mus legem. Sancimus igitur, uicem le-
 gum obtinere sanctas Ecclesiasticas
 regulas, quæ à sanctis Quatuor Con-
 cilijs expositæ sunt aut firmatæ. Hoc
 est, In Nicæna CCC & XVIII, & in
 Constantinopolitana sanctorum CL
 patrum, & in Ephesina prima, in qua
 Nestorius est damnatus, & in Chalce-
 donia, in qua & Eutiches cum Nesto- *Lego Dio*
 rio anathematizatus est. Prædictarum *score.*
 enim. Quatuor synodorum dogma-
 ta, sicut sanctas scripturas, accipimus;
 & regulas, sicut leges, obseruamus.
 Ideoq; sancimus secundum earum
 diffinitiones, sanctissimum senioris
 Romæ Papam, primum esse omnium
 sacerdotum &c. Miror equidē, si hæc
 uerba

DE AVTORITATE

uerba ullus Lutheranorum, aut Zuinglianorum aut Anabaptistarū, absq̃ frontis rubore & conscientię palpitatione legere queat. Si quis autem miretur, quod de Quatuor duntaxat Concilijs hic fit mētio, is sciat, eo tempore, quo hanc legē statuit Iustinianus, plura q̃ hęc Quatuor, Generalia Concilia non fuisse legitima & approbata, Quintū enim quod postea Constantinopoli sub eodem hoc Imperatore & Vigilio Papa celebratum fuit, illo tempore in rerum natura nondum erat. Fuerant quidem plura prius sub Constantio Imp. Arriano celebrata Concilia, sed pro legitime congregatis & approbatis non sunt habita.

*Vide dist.
in Decretis,
16.*

*Vide hist.
tripar. li.
1.*

*In Auct.
colla. 8.
Consti. 5.
In prim.*

Sextum. Rursus Iustiniani in Auenticis est. Vbi sic ait. Vnam nobis est se in omni nostra Repub. & Imperio uitam & in Deo spem credimus, scientes quia hęc nobis & animę & Imperij dat salutem, Vnde & legislatio-

nes

CONCILIORVM.

191

nes nostras inde pendere competit,
 & in eam respicere, Et hoc eis princi-
 pium esse & medium & terminum.
 Sicut igitur uniuersi, qui ante nos im- *Lex Inst.*
 perantes, & maxime LEO piæ memo *in hæreticis*
 riæ, & IVSTINVS piæ memoriæ Pa *cor.*
 ter noster, in suis constitutionibus.
 Hæreticis omnibus interdixerunt: ut
 neq; ulla ipsi participarentur militiæ,
 neq; quodlibet in publicis curis par-
 ticipium haberent, uti ne occasione
 militiarum & publicorum collegio-
 rum, sanctæ Dei Catholicæ & Apo-
 stolicæ membra Ecclesiæ uiderentur
 uastare, & nos ipsi hoc egimus, no-
 stris Constitutionibus hoc robo-
 rantes. Hæc ibi. Et in alia deinceps *in Eadem*
 constitutione aliam rursus pœnam *Colla. cõ-*
 infligit hæreticis, ita constituens. Si *sti. 12.* Si
 quis de prædictis parentibus Or- *quis 2.*
 thodoxus constitutus, senserit suum
 filium uel liberos, non esse Catho-
 licæ fidei, nec in sacrosancta Eccle-
 sia

DE AVTORITATE

sia communicare: In qua omnes Beatissimi Patriarchæ, una conspiratione & concordia, fidem rectissimam prædicant. Et sanctas Quatuor Synodos, Nicenā, Constantinopolitanā, Ephesinam primum, & Chalcedonensem, amplecti seu recitare noscuntur: licentiam habeat pro hac maxime causa. Ingratos, & Exhæredes eos in suo scribere testamento. Et hoc quidem pro ingratitude causa decernimus. Ecce quanta semper fuerit apud Catholicos Imperatores Generalium Conciliorum autoritas, & publicum in hæreticos quoslibet, qui Concilijs detrahebant, odium ac detestatio.

SEX TESTIMONIA

pro Conciliorum Autoritate, Ex volumine Decretorum.

Quamuis uero Lutherani contemnant Iuris Canonici decreta, pro lectoris tamen instructione

CONCILIORVM.

ne uberiori libet ex Gratiani quoq; uolumine quædā pro Conciliorū auctoritate asferre testimonia, tanto sane breuius, quanto minus Pontificū quam Imperatorum Constitutionibus defecerunt Aduersarij.

Prīmū igitur sit facundissimī Pontificis Gelasij, Ex XV. Distinctione. Sancta (inquit) Romana Ecclesia, *Dist. 15. c. sancta Romana.* post illas ueteris Testamenti & noui scripturas, quas regulariter suscipimus, etiam has suscipi non prohibet sanctam Synodum Nicenam CCC XVIII patrum, mediante Constantino Maximo Augusto &c. Enumeratis itaq; Quatuor Concilijs, iam antea commemoratis, ita subiungit. Sed & siqua sunt Concilia à sanctis patribus hætenus instituta, post istorum Quatuor auctoritatem etiam custodienda & recipienda mandamus & decernimus. Hæc Gelasius cum LXX. Episcopis, temporibus Anastasij Imp. qui *Temporibus Gelasij Quatuor tantū fuerant Concilia Generalia.*

C paulo

DE AVTORITATE

paulo ante iustinianū impio Ro. præfuit. Loquitur itaque Gelasius de alijs quoq; Concilijs ab Ecclesia receptis, ultra illa Quatuor, utpote de Ancyra-
no, de Gangrensi, de Laodicensi &c.

Dist. 16 c.

Quoniā.

Secundum. Ex sexta synodo, ubi sic statutum legitur. Item confirmamus & cæteros sanctorum canones & synodos, primam Nicenam & An-
chiritanam, Neocesariensem, Gangrensem, Antiochenam, Laodicen-
sem, Constantinopolitanam, Ephesi-
nam primam, Chalcedonensem, Sar-
dicensem, Carthaginensem &c.

Ibidem c.

seq.

Tertium. Ex professione Rom. Pontificis, quæ sic habet. Sancta Octo
uniuersalia Concilia, primum Nice-
num, secundum Constantinopolita-
num. Tertium Ephesinum. Quartum
Chalcedonensem. Et Quintum item
Constantinopolitanū, Sextum item
Nicenum septimum. Octauum quo-
que Constantinopolitanum: Vsq; ad
unum

unum apicē immutilata seruare, & pari honore ac ueneratione digna haberi. Et quæ prædicauerūt & statuerunt, modis omnibus sequi & prædicare: Et quæcunq; condemnauerunt, ore & corde condemnare profiteor.

Quartum. Ex septima Actione Chalcedonenſis Concilij, Vbi Mar-
 tianus Imperator inter cætera ſic dixit. Nos ad fidem confirmandam, non ad potentiam ostendendam, exemplo religioſiſſimi Principis Conſtantini, Synodo intereſſe uolumus: ut ueritate inuenta, non ultra multitudo prauis doctrinis attracta diſcordet.

Dist. 96.
 c. Nos ad
 fidem.

Quintum. Ex reſcriptis Gelasij
 Papæ, Vbi ſic ait Acatius (fuit is
 Patriarcha Conſtantinopolitanus)
 non eſt factus inuentor noui erro-
 ris, ſed ueteris imitator. Atque
 ideo non erat neceſſarium, ut ad-
 uerſus cum noua ſententia prodiret,
 ſed antequam tantummodo renoua-

24. q. 1. c.
 1 & 2.

DE AVTORITATE

retur. Factus sum itaq; Executor ueteris constituti, non promulgator noui. Quicumq; enim in heresim semel damnatam labitur, eius damnatione seipsum inuoluit. Maiores namq; nostri, diuina inspiratione cernentes necessario precauerunt: ut quod contra unam quamq; hæresim coacta semel synodus pro fidei communione & ueritate Catholica atq; Apostolica promulgasset, non sinerent nouis post hæc retractationibus mutilari.

25. q. 1. 5.
Violatores,
res.

Sextum. Ex dictis Damasi Papæ, quæ sic habent. Violatores canonum uoluntarie, grauiter à sanctis patribus iudicantur, & à sancto spiritu, instinctu cuius ac dono dicati sunt, damnantur. Talis enim præsumptio manifeste unum genus est blasphemantium spiritum sanctum, quia contra eum agit, cuius nutu & gratia sancti Canones æditi sunt.

Ser

SEX TESTIMONIA

pro Conciliorum autoritate Ex appro-
batis scriptis Ecclesiæ Do-
ctorum.

Primum sit sancti Hilarij Picta-
rum Episcopi, qui propter fidem Hilarius
Pictanensis.
Catholicam à Constantio in exi-
lium eiectus, ad Galliarum & Germa-
niæ Episcopos insignem de Synodis
librum scripsit. In cuius fine sic ait. Pri-
um est quod uolumus, ne damnemus
patres, ne animemus hæreticos: ne
dum hæresim appellamus, hæresim
nutriamus. Interpretati patres nostri
sunt post Synodum Nicenam Homo
usq; proprietatem, religiosi extant li-
bri, manet conscientia, Si quid ad in-
terpretationem addendum est, com-
muniter consulamus. Potest inter nos
optimus fidei status condi, ut nec ea
quæ bene sunt constituta uexentur,
& quæ male sunt intellecta rescentur.

C 3 Secun-

DE AVTORITATE

*Amb. lib.
10. epist.
82.*

1. Tim. 3.

Secundum. S. Ambrosij in præclara & bene prolixa ad Vercellensis epistola, ubi de Digamis agit. Apostolus (inquit) legem posuit, dicens. Siquis sine crimine est, unius uxoris uir. Ergo quia sine crimine est, unius uxoris uir, teneatur ad legem sacerdotij suscipiendi. Quiautem iterauerit coniugium, culpam quidem non habet co-inquinati, sed prærogatiua exiit sacerdotis. Diximus quid legis, dicamus etiam quid rationis. Sed prius cognoscamus, non solum hoc Apostolū de Episcopo & presbytero statuisse, sed etiam patres in Cōcilio Niceni tractatus addidisse, Neq; Clericum quenquam debere esse, qui secunda coniugia sortitus sit. Ecce quomodo nititur hic pater auctoritati Nicenæ Synodi, quam Apostoli dicto superaddit.

*Aug. ad
Ianuariū.*

Tertium. S. Augustini, Ex Epistola eius CXVIII. Vbi sic ait. Illa autem quæ non scripta sed tradita custodimus,

mus, quæ quidem toto terrarum orbe
obseruantur, datur intelligi, uel ab ip-
sis Apostolis uel plenarijs Concilijs
(quorum est in Ecclesia saluberrima
autoritas) commendata atq; statuta re-
tineri. Et infra. Similatur etiã (inquit)
si quid horum tota die per orbem fre-
quentat Ecclesia. Nam hoc quin ita
faciendum sit disputare, insolentissi-
mæ insanix est.

Quartum. S. Gregorij Papæ I. Ex *Greg. In*
registri libro 1. Vbi in bene longa pia *regist. li.*
& erudita epistola, quam mox post *1. epistola*
sui electionem misit ad Quatuor Pa- *24.*
triarchas: nempe Constantinopoli-
tanium, Alexandrinum. Hierosolymita-
num & Antiochenũ: fidem suam de-
clarans, inter alia multa sic ait. Præte-
rea, quia corde creditur ad iustitiam,
ore autem confessio fit ad salutem,
Sicut sancti Euangelij. Quatuor li- *Ro. 10.*
bros, sic Quatuor Concilia suscipe-
re & uenerari me fateor. Nicenum

C 4

scilicet,

DE AVTORITATE

*Plura sunt
uerba
Gre. quæ
hic prop
ter breui
tatē omit
tuntur.* scilicet, Constantinopolitanum, Ephe
sinum & Chalcedonense, tota deuo
tione complector, integerrima appro
batione custodio. Quia in ijs, uelut in
quadrato lapide, sanctæ fidei structu
ra confurgit. Et cuiuslibet uitæ atque
actionis existat, quisquis eorum solidi
tatem non tenet, etiam si lapis esse cer
nitur, tamen extra ædificium iacet &c.

Isidorus. Quintum. S. Isidori Hispalensis,
qui magnum conscripsit Decretali
um Epistolarum Conciliorumq; uo
lumen. In cuius præfatione post mulla
sic ait. Nosse etiam oportet (licet
* cætera non infirmetur) Quatuor es
se Principalia Concilia. Ex quibus ple
nissimam fidei doctrinam tenent Ec
clesiæ, tam de patris & filij & spiritus
sancti diuinitate, quàm de prædicti fi
lij & saluatoris nostri incarnatione.
Prior harum Nicena synodus est &c.
Et infra. Hæ sunt (ut prædiximus)
**Quatuor Principales & uenerabiles
Synodi,**

Synodi, fidem Catholicā complecten-
tes. Sed si qua sint Concilia, quę sancti
patres spiritu Dei pleni sanxerūt, post
ipsorum Quatuor autoritatem, omni
manent stabilita uigore.

Sextum. Venerabilis Bedę est, qui Beda.
in libro de temporibus, usq; ad tempo-
ra sua sex commemorat Concilia, quę
uniuersalia dicuntur, Quorum sane
Tria, utpote Secundum. Quintum &
sextum. Constantinopoli in urbe Re-
gia, diuersis temporibus, sub diuersis
Ro. Pontificibus & Imperatoribus ce-
lebrata fuerunt. Omnia tamen ueris
Christianis adhuc usq; tempora sem-
per sacrosancta & indubitata autori-
tatis fuerunt.

Quinetiam Lutherus ipse, dum sa- Luth. de
Concilijs
cōtra se
ipsum.
niores esset mente, Concilijs plurimum
autoritatis tribuit, Nam ubi quędam
eius dicta à D. Eckio (bonę memo-
rię) atro essent calculo seu carbone
notata, Inter quę & istud erat, quod
C. 5. nihil

DE AVTORITATE

nihil teneret de Cōcilijs Generalibus:
Ipse mox libellum ædedit, cum hac in-
scriptione. Contra malignum Eccñ iu-
diciū, In quo sic habet de Concilijs.
Hunc articulum non esse meum, intel-
ligit, credo, quicunq; Resolutiones
meas & Dialogū contra Syluestrum
legerit, quando id unice deploro ac
gemo, nos dignos non esse ut uidea-
mus legitimū Concilium. Hanc ego
Lutheri uarietatem & inconstantiam
de Concilijs, sicut & de alijs permul-
tis rebus, cōmemorauī ac iraduxi iam
Septiceps pridem in septicipite meo. Sed uidea-
In ca. 34. mus modo, quam impie contra Con-
cilia sentiat in 30. suis propositioni-
bus, quas Vuittenbergæ disputauit.

CONFUTATIO XXX

*Propositionum Lutheri de Concilijs, per
Ioh. Cochleum.*

Post Christum non est autoritas
aut potestas ulla Apostolis et Pro-
phetis æquiparanda; Co.

CONCILIORVM.

Cochlæus. Nemo quidem Christianorū reprobatur aut reſcit Apoſtolorum ac Prophetarum ſcripta, multo minus Eccleſia id facit: Attamen quā ipſa ſit corpus & ſponſa Chriſti, ſicut Paulus docet, Et de ſpiritu ſancto certiffimas habeat Chriſti promiſſiones, Ephes. 1. 5. nō minorem q̃ habuerunt Apoſtoli & Prophetæ, poteſtatem habere recte creditur. Quandoquidē illi membra eius (quæ corpus Chriſti eſt) fuerunt, ſicut atteſtatur Apo. 1. Co. 12. & Ephe. 4. Quis uero audiuit unquā, partē ſuo toto maiorē eſſe? Item Inter natos mulierū non ſurrexit maior Iohanne Baptiſta, Matth. 11. Is autem nunquā ſupra Eccleſiā ſeſe extulit, ſed eam pro ſponſa Chriſti, ſe uero pro amico ſponſi habuit & agnouit Ioh. 3. Quis uero dicat, maioris eſſe autoritatis amicū ſponſi quam ipſam ſponſam, quæ cum ipſo ſponſo unum corpus & una caro eſt, Iuxta illud ipſius ſponſi dictū, Et erūt Matt. 19. duo

DE AVTORITATE

Duo in carne una: Item . Apostoli & Prophetæ non habuerunt perpetuo spiritum sanctum apud se manentem, sicut habet eum Ecclesia, sed aliquando per eius absentiam lapsi sunt, Sicut de Petro testatur Paulus Gal. 2. quando in faciem ei restitit. Et de Paulo sancti dicunt Doctores aliqui, quando à Barnaba recessit propter Marcum Act. 15. Et Eliseus Prophetæ de seipso 4. Reg. 4. Ecclesia uero certissimas habet promissiones Christi, quod ipse & spiritus sanctus cū ea permansuri sunt usque in finem sæculi & in æternum. Matth. 28. & Ioh. 14. Et ego iam olim in Apologia de Eucharistia, contra Captiuitatem Babylonicam Lutheri, X rationibus ostendi, non minorem esse Ecclesiæ quam Pauli auctoritatem, idē ex solidis deduxi scripturis.

II. Reliqui omnes illorum successores tantum pro discipulis eorum habendi sunt.

CO.

CONCILIORVM.

205

CO. Possunt quidem successores, discipuli suorum esse prædecessorum, Vbi tamen in locum eorum successerint, æqualem habent potestatem quam illi habuerunt. Ait enim Dominus. Matth. 10. Sufficit discipulo, ut sit sicut magister eius. Quinetiā maius quidam suos pollicetur facturos esse discipulos Ioh. 14. Potest igitur successor aliquando maior esse suo prædecessore, sicut per experientiam in multis Pontificibus Regibusque et Episcopis compertum habemus. Potest item æqualis remanere potestas ratione status aut dignitatis, etiamsi persona successoris longe minor aut Inferior sit quam fuerit persona prædecessoris, Potestas enim in successione non secundum personam sed secundum statum seu dignitatem attenditur, Iuxta illud saluatoris Matth. 23. Super cathedram Moysi &c.

III. Apostoli enim certam habuerunt

DE AVTORITATE

runt promissionē spiritus sancti, non solum generaliter, sed etiam pro suis ipsorum personis specialiter.

CO. Sex Noui Testamenti Testimonia supra dicta, longe perfectio clariora certioraq; sunt ad Ecclesiam generaliter quā ad personas Apostolorum specialiter. Non enim ignorabat Christus, quod Apostoli non essent perpetuo super terram in Ecclesia permansuri personaliter, usq; ad consummationem sæculi, Nihilominus dixit ad eos Matth. ult. Et ecce ego uobiscū sum omnibus diebus usq; ad consummationē sæculi. Et Ioh. 14. Et ego rogabo patrem, & alium paraclitum dabit uobis, ut maneat uobiscum in æternum, spiritū ueritatis. Tales igitur promissiones magis ad Ecclesiam generaliter, quā specialiter ad personas Apostolorū referri debent. Ipse enim dixit ad patrē Ioh. 17. Non pro eis autem rogo tantū, sed & pro eis qui credituri

dituri sunt per uerbum eorum in me.
Et Mar. 13. Quod autem uobis dico,
omnibus dico, Vigilate.

III. Ideo & ipsi soli dicuntur Ec-
clesiæ fundamenta, qui fidei articulos
dare ac ponere debeant.

CO. Lutherus plerunq; adiicit hanc
exclusinā uocē solus, per quā sane mul-
tos deprauat textus et sentētiās. Quem
admodū & hic facit. Iohānes quidē in
Apocalypsi uocat Apostolos funda-
menta, sed nō adiicit uocē Exclusinā,
sicut fraudulēter & impie facit Luthe-
rus. Sic enim ait. Et mirus ciuitatis ha-
bens fundamenta XII, & in ipsis XII
nomina XII Apostolorū et agni. At si
diceret, Soli XII Apostoli, lā nō foret
locus Paulo Apostolo, qui tum plus
omnibus laborauit, 1 Cor. 15. Nec sessu-
rus esset cū alijs Apostolis super sedes
XII ad iudicandū XII tribus Israël. Nā
præter ipsum alijs sunt XII Apo. Male
igitur adiicit hic uocē Exclusinā Lu-
therus,

Apoc. 22.

DE AVTORITATE

therus, contra feueriffimam Dei prohibitionem, quæ habetur Deut 4. Pro verb. 30. & Apoc. 22. Vbi cauetur, ne quid uerbo Dei addatur aut adimatur. Non enim soli Apostoli, sed & alij multi in diuerfis prouincijs fidei fundamenta iecerunt, Veluti Timotheus in Asia, Titus in Creta, Dionysius in Gallia, Gregorius in Anglia. Bonifacius Martyr in Germania, &c. Ait itaq; Paulus ad Ro. 15. Ab Hierusalem per circuitum usq; ad Illyricum repleui Euangelium Christi: sic autem hoc prædicaui Euangelium, non ubi nominatus est Christus, ne super alienum fundamentum ædificarem, sed sicut scriptum est. Quoniam quibus non est nuntiatum de eo uidebunt: Et qui non audierunt de eo, intelligent.

V. Tales promissiones spiritus sancti nulli ex successoribus eorum proprijs personis habuerunt.

CO. Vbi ergo scriptum est, Tu Pe
træ

CONCILIORVM.

tre aut tu Andrea, aut tu Iacobe, spiritum sanctum pro tua ipsius persona habebis, et nullus alius post te? At iam supra demonstratum est contrarium, Ex uerbis ipsius Domini, Ecce ego uobiscum sum &c. Non enim solis Apo- Supra 30
stolis, sed etiam successoribus eorum Propo.
de spiritu sancto promissiones faciæ
sunt.

VI. Ideo non sequitur, hoc & illud potuerunt ac in potestate habuerunt Apostoli, igitur & successores eorum talia possunt.

CO. Cur non sequitur? Ait namque ipse Dominus Ioh. 14. Amen Amen Apostolo
dico uobis, qui credit in me, opera rum &
quæ ego facio, & ipse faciet, & maiora successo-
ra horum faciet, quia ego ad patrem rum coru
uado. Item. Lucæ 10 Qui uos spernit, equalis
me spernit. Et Ioh. 20. Sicut misit me potestas
pater, & ego mitto uos. Item Ioh. 13. in regimi
Amen amen dico uobis, qui accipit ne.
si quæ misero me accipit: Qui autem
D me

DE AVTORITATE

me accipit, accipit eum qui me misit. In
terrogētur ergo Theologi & Iuriskon
sulti quicunq;, procul dubio dicent,
successores utiq; habere eandem pote
statem, quam prædecessores ipsorū ha
buerūt. Alioqui quotidie mutandę fo
rent Pontificum Imperatorum Episco
porum & Ducū potestates. Loquor
autē hic de potestate; autoritate & Iu
risdictione; nō de sanctitate uitaę, non
de linguis, status seu dignitatis, in qua
succeditur nō de scientijs, nō de mira
culis &c. In quib. sane successores suis
non semper equiparantur prædecesso
ribus, sed sepe minus aut plus habent.

VII. Sed quicquid docere, statuere
aut ordinare uoluerint, in eo Aposto
lorū autoritatē sequi et afferre debent.

CO. Afferunt certe secum in Ge
nerali Concilio longe maiorem quā
Apostolorū autoritatem, Nempe ip
sius met Christi qui in medio eorum
est Matth. 18. Et spiritus sancti, qui a
pud

CONCILIORVM.

211

pud ecclesiam manet in eternum, Ioh.
 14. & eos ad regendum Ecclesiam po-
 suit Act. 20. Qui & Apostolos ipsos
 rexit. Multa autem constituta sunt, &
 per totam Ecclesiam ubiq; obseruan-
 tur, quæ secundū literam ab Aposto-
 lis expresse non sunt scripta, Quem Orige ho
 admodū ostendunt Origenes & Au- mel, 5. su-
 gustinus. Sed tradita fuerunt ore te- per Nu-
 nus ab Apostolis, aut in plenarijs me. Aug.
 Concilijs per sancti spiritus inspiratio epist. 118.
 nem. Math. 10. & Ioh. 16. Ideo spiritus
 sancti auctoritatem secum afferunt, si-
 cut scriptum est Act. 15. Visum est spi-
 ritui sancto & nobis.

VIII. Sicut ait S. Petrus. Siquis lo-
 quitur, quasi sermones Dei: Si quis mi- I. Pet. 4.
 nistrat, tanquam ex uirtute quam ad-
 ministrat Deus.

CO. Nō ait S. Pet. Si quis loquitur,
 id ex Biblijs aut sacris scripturis faciat,
 & nō aliter (sicut ait & uult Luth. qui
 tum nec ipse met id obseruat) sed ait,

D 2

Quasi

DE AVTORITATE

Verbum Dei, aliud scriptum, aliud non scriptum. Quasi sermones Dei, Hoc est, ex spiritu sancti (qui Deus est) instinctu: sicut dicit Christus Matth. 10. Non enim vos estis qui loquimini, sed spiritus patris uestri qui loquitur in vobis. Et sicut ait Paulus 2. Cor. 13. An experimentum quaeritis eius qui in me loquitur Christus? Et 1. Thessa. 2. Quoniam cum accepissetis à nobis verbum auditus Dei, accepistis illud, non ut verbum hominum, sed sicut est vere verbum Dei. Iam non omnia verba Pauli erant in Biblijs scripta, sed erant ex spiritu sancto, scripta quidem, non atramento, sed spiritu Dei vivi 2. Cor. 3. De quibus & Hieremias Propheta loquitur cap. 31. Ideo & Generalium Conciliorum decreta recipienda sunt, non ut hominum, sed ut Dei verba, eo quod Christus & spiritus sanctus in medio eorum sunt, ut dictum est.

IX. Non enim voluntate humana allata est aliquando Prophetia, in quocunq;

CONCILIORVM.

213

quocunq; gradu aut statu sublimi ho 2. Pet. x.
mo unquam fuerit.

CO. Non cessat fraudulenter age-
re Lutherus, quando scripturas alle-
gat, sed pro commodo & proposito
suo aliquid addit aut omittit, sicut di-
ctum est supra de uoce Exclusina, so-
lus. Ita & hic ad textum S. Petri super
addit de suo hæc uerba. In quocunq;
gradu aut statu sublimi homo unquã
fuerit. Scimus autem ex Euangelio, ^{Ioh. ix.}
quod de morte Christi prophetauit
Caiphas, non quod adeo sanctus fue-
rit in propria persona, sed quia erat
Pontifex anni illius. Neq; tamen con-
tra Concilium est hoc dictum S. Pe-
tri, quod obiicit hic Lutherus. Vltro
enim fatemur. Non humana uolun-
tate, sed diuino instiuctu afferri Con-
ciliorum decreta, eo quod Christus &
spiritus sanctus in medio eorum sunt.
Et non ipsi homines ita decernunt, sed
spiritus Dei qui loquitur in eis Matth.
10. & 19. D 3 Sed

DE AVTORITATE

X. Sed spiritus sancto acti, locuti sunt sancti Dei homines, ne scripturas propria interpretatione exponerent.

CO. Hoc magis pro nobis quam contra nos est. Quandoquidem tot sancti homines Dei, Ambrosius, Augustinus, Gregorius &c. tantum auctoritatis tribuunt Generalibus Concilijs, uti memoratum est supra, merito

Qualis in eorum verbis plus creditur, quam *in-*
uita & ex stabilibus ex cerebrosis nugis *pro-*
positione phani Lutheri, qui manifesto scanda-
scripturæ lo criminofam agit uitam Monachus
Lutherus. cum Moniali in prætenso coniugio,
quod reuera nihil aliud quam ince-
stuosum est flagitium. Quid uero a-
liud est noua eius scripturarum ex-
positio quam propria quædam ip-
sius interpretatio, quæ Doctorum Ec-
clesiæ pijs interpretationibus impie
aduersatur.

XI. Vbi igitur successores non se-
quuntur nec tenent Apostolorum fun-
damentum.

damentum, hæretici sunt & Antichristi, tanquam ij qui extra fundamentum pereunt.

C O. Vera petra & fundamentum Christus est, 1. Cor. 10. Et uera colūna ac fundamentū ueritatis Ecclesia est, 1. Timo. 3. Quisquis igitur in unitate Ecclesiæ Catholicæ permanet, is super uerum stat fundamentum, sicut patet Ioh. 17. 1. Cor. 1. Ephe. & Phil. 3. Quisquis uero se à Catholica Ecclesia segregat, & propriam sectam colligit, is reuera hæreticus est & Antichristus. De qualibus ait in sua Canonica Iohannes. Ex nobis prodierunt, sed non erant ex nobis. Nam si fuissent ex nobis, permansissent utiq; nobiscū. Item. Nūc Antichristi multi facti sunt, unde scimus, quia nouissima hora est. At Lutherus (quem Iohannes hic graphice depingit) nunquā probare poterit, quod ullū Generale Concilium, legitime congregatū ac celebratū, ab

Quis hæreticus & Antichristus est. 1. Ioh. 2.

DE AVTORITYTE

Apostolorum fundamento aberrauerit, Nihil igitur facit hæc eius propositio contra ullum Concilium Generale, quodcunque ab Apostolica sede & Catholica Ecclesia receptum & approbatum est.

XII. Ideo Concilium aut Episcopi congregati errare possunt, æque bene sicut alij homines, siue in publico constituti officio siue priuati, absque officio.

Nō errat
Conciliū
sicut errat
homo
prius,

CO. Hoc non sequitur, Nullus enim hominum, siue in publico sit officio siue priuatus degat, tam multas & certas habet à Deo promissiones, quàm habet Ecclesia in Generali Concilio. Quales permultæ commemoratæ sunt supra, Verbi gratia, quod in medio eius sit Christus & spiritus sanctus, qui cum Ecclesia maneat in æternum, eamque doceat omnem ueritatem, Et quod ipsa sit columna & fundamentum ueritatis, sponsa Christi una, formosa,

CONCILIORVM.

217

mosa, perfecta & immaculata, sicut in
Canticis de ea sponsus ipse canit Can.
4. & 6.

XIII. Si autem non errent: hoc fit,
aut à casu, aut ex merito alicuius san-
cti ac boni uiri qui inter eos est, aut
etiam generalis Ecclesiæ, & non per
potestatem & auctoritatem congrega-
tionis eorum.

CO. Quilibet homo errare potest.
Iuxta illud Psal. 115. Omnis homo mē-
dax. Sicut constat de Propheta Na-
than 2. Reg. 7. Et de summis Aposto-
lis Petro & Paulo dictum est supra
per scripturæ locos Gal. 2. & Act. 15.
Quum autem Christus & spiritus san-
ctus sint in medio Concilij, non po-
test errare Concilium, quia Christus
uia & ueritas est Ioh. 14. Et spiritus san-
ctus docet illud omnem ueritatem,
Ideo si non errat Concilium, non à ca-
su fit, sed per promissiones Christi su-
pra dictas, qui utiq; mentiri & seip-
sum

D

5

sum

DE AVTORITATE

sum negare non potest 2. Timo. 2.

Epicuræa Lutherus itaq; instar Epicuri hic lo-
Lutheri quitur, quasi Deus de Ecclesia nihil
scientia. curet, sed casui & fortunæ ad scriben-
dum sit, si quid ueri dicat. At longe re-
ctius de Ecclesia docet nos Paulus 1.
Timo. 3. & Ephes. 5. Non igitur casu
aut fortuito, sed ex instinctu spiritus
sancti & ex promissionibus Christi re-
cte agit, & non errat Ecclesia, Luthe-
rus autem hic sibi ipsi parum constat,
dum tribuit hic meritis aliquid, qui an-
tea merita sanctorum irrisit & negauit,
atq; iustum in omni opere bono, etiam
optime facto, peccare asseruit.

XIII. Sic præcauit errorem Conci-
lii Nicenum, per uirtutē uiri unici Pa-
phnutij, Cum esset Ecclesiæ suæ tam
propicius Christus.

De Cōiugio sacer- CO. Ita ne magnum ibi præcauit
dotum. errorem Paphnutius? At reuera error
non est, seruare castitatem presbyte-
ros; Licet Lutherus Monachis quoq;

&

219
CONCILIORVM.

& Monialibus coniugij usum permit-
tat, contra uotum, & contra publicas
leges & Canones. Neq; errorem dixit
esse Paphnutius, neq; Episcopis aut
præsbyteris uxores ducere permisit,
sed suasilit, ne eis prohiberentur uxores
quas ante ordinationem suam duxe-
rant, Qua de re clarū est testimoniū &
Sozomenis in Historia Tripartita &
Gratiani in Decretis.

In Lutherum uero recte quadrat il-
lud, quod olim in Vigilantiū dixit S. *Hist. tri-
par. lib. 2.*
Hieronymus, in hæc uerba. Quid fa- *cap. 14.*
cient Oriētis Ecclesiæ, quid Aegypti, *Dist. 31. c.*
& sedis Apostolicæ: quæ aut uirgines *Nicena.*
Clericos accipiunt, aut continentes,
aut si uxores habuerint, mariti esse de-
sistunt. Non errauit igitur Concilium
Nicenū in suo proposito, Quoniam
id sacris literis conforme est, ubi uer-
bum Dei sic habet. Sancti estote, quo- *Leuit. 20.*
niam & ego sanctus sum. Item. Mun- *Esa. 52.*
damini, qui fertis uasa Domini.

XV.

DE AVTORITATE

XV, Nam spiritus sanctus nullis promissionibus alligatus est congregationi Episcoporum aut Concilij, Neque id ulla uia ostendere possunt.

CO. Nos certe clara habemus testimonia. Matth. 16. & 18. Nempe, quod Portæ Inferi non præualebunt aduersus Ecclesiā, Et ubi Duo aut tres congregati sunt in nomine Christi, ipse in medio eorum est, Item Ioh. 14. & 16. De spiritu sancto clarissime sunt Christi promissiones, Vt breuitatis gratia de alijs taceatur,

XVI. Ideo falso iactitant & superbe, ne dicam blasphemæ, quod sint in spiritu sancto legitime congregati,

CO. Quando supremus pastor & Pontifex oues Christi, propter necessarias Ecclesiæ causas, in unum conuocat, nequaquam id superbia est aut blasphemia: Cum & natura doceat pecudes, in unum sese colligere, quando sentiunt adesse lupos. Et ipse Dominus

CONCILIORVM.

minus iubeat nos attendere & cauere à falsis Prophetis, qui sub uestimentis ouium lupi sunt rapaces. Matth. 7. Et Patres in Concilio solenni more inuocent religiose spiritum sanctum. Quid potest ibi esse superbix aut blasphemix? Nonne Lutherani ipsi persape Concilium appellauerunt publice?

XVII. Quis enim securos eos aut nos reddet, spiritum sanctum necessario esse ad ipsorum congregationem obligatum aut obstrictum?

CO. De hoc securos reddit nos Euangelium Matth. 18. & Ioh. 14. per Christi promissiones saepe dictas, Et Paulus 2. Timo. 2. Vbi dicit Deum in suis promissionibus fidelem esse & permanere, qui seipsum negare non possit.

XVIII. Facile quidem est homines congregari, Atqui in spiritu sancto congregari non possunt nisi ij qui Apostolorum fundamentum, non proprium

DE AVTORITATE

prium cogitatū suum sequuntur, sed fidei mensuram naturamq; tractant.

Recta fidei tractatio. CO. Verba quidem huius propositionis facile admittuntur, sed prauus intellectus & falsa subsumptio, quā Lutherani intendunt ac præferunt iure repellitur, Nam falso arrogant sibi & Apostolorū fundamentū & Veram fidei tractationem, quam adimunt Catholicis, Qui tamen in his nō excogitant novas (ut Lutherus facit) adinventiones, sed sequuntur potius sensum expositionemq; & auctoritatem sanctorum Patrum, quos approbat sancta mater Ecclesia.

XIX. In hoc recte dicunt, se uniuersalem Ecclesiā repræsentare, Ipsi enim nō sunt Ecclesia, sed sæpius eam duntaxat repræsentant.

Quomodo Conciliū repræsentat Ecclesiam. CO. Hui quā bellam prætendi subtilitatem de hoc uerbo Repræsentare, tanquā id nihil aliud ualeat quam significare, sicut hæc uox Homo significat

CONCILIORVM.

gnificat hominē, & homo pictus hominem uerū. Nos autē Interpretationi huic nō acquiescimus, Conciliū enim generale uniuersalem Ecclesiā repræsentat, nō solū significatiuē, sicut uox aut Imago picta hominē: sed etiam potestatiuē, Quemadmodū in conuentu aut Dicta Imperiali aut Regali, n̄ qui conueniunt, totum Imperiū aut regnū repræsentant, habentes potestatem & plenum mandatum, non solū pro personis suis proprijs, sed etiā pro omnibus alijs quorum nomine mittuntur.

XX. Et quando Ecclesiā duntaxat repræsentant, tunc sunt Ecclesia perinde atque homo pictus est homo, hoc est, solummodo repræsentans.

CO. Quando ergo duntaxat repræsentant: quando uidelicet aliter decernunt quā Lutherus placet, Iudici scilicet eorum. At Paulus Heb. 13. longe aliter nos docet, sic enim ait. Obædite præpositis uestris, & subiacet eis. Ipsi

DE AVTORITATE

Concilio Ipſi enim peruigilant, quaſi rationem
parendū pro animabus ueſtris reddituri, Cum
eſt. igitur in concilio congregentur Præ-
poſiti & Prælati Eccleſiarum, tene-
mur utiq; eis obædire, tum quia Chri-
ſtus iubet, oues audire paſtorum ſuo-
rum uocem Ioh. 10. tum quia multæ
ſunt Chriſti promiſſiones de ſeipſo &
de ſpiritu ſancto pro Concilio & Præ-
latorum congregatione, quæ fallere
aut mentiri non poſſunt, uti iam ſæpe
dictum eſt.

XXI. Si quando autem amplius ali-
quid et uera Eccleſia ſunt, id caſu fit, ut
dictum eſt, non uirtute repræſentantis
Eccleſiæ, aut ideo quod uniuerſalem
Eccleſiam repræſentant.

CO. Tunc ſcilicet uera Eccleſia
ſunt Luthero, quando ducunt aut ſta-
tuunt quod ei placuerit. Sed ad hæc
iam ſupra reſponſum eſt. Non enim à
caſu eſt aut fit, quod recte decernunt,
ſed ex uirtute & promiſſione Chriſti
&

CONCILIORVM.

225

& spiritus sancti Ecclesia enim non à *Ecclesia*
casu, sed à Deo regitur. Iuxta illud Psal *non à ca-*
mista, Dominus regit me, & nihil mi- *su sed à*
hi deerit. Psal. 22. Et Deus docuisti me *Deo regi*
à iuuentute mea et usq; nunc. Psal. 70. *tur.*

Necq; Concilium solum repræsentat,
sicut imago picta, sed etiam plenā ha-
bet potestatem & auctoritatem totius
Ecclesiæ, Pastores enim non solum
pro seipsis, sed etiam pro ouibus suis
ibi assunt & agunt, eo quod pro ani-
mabus earum Deo rationem redditu-
ri sunt. Heb. 12. & Ezech. 3. & 33.

XXII. Historiæ indicant, Concilia
sæpius fuisse Ecclesiam solum modo
repræsentatiuam, quàm rarissime au-
tem Ecclesiam ueram.

CO. Duplicitia sunt Concilia, Quæ *Duplicia*
dam Hæreticorum, absq; auctoritate *Concilia*
et uoluntate summi Pontificis congre-
gata, Qualia permulta fuerunt Arria-
norum sub Imperatore Arriano Ma-
gni Constantini filio Constantio in di-
E uersis

DE AVTORITATE

uerſis prouintijs, quæ commemorantur in hiſtoria Tripartita. Et Donatiſtarum in Africa, quorum non pauca commemorantur à S. Aug. in epiſtolis & ſermonibus. In quibus ſane conuenerunt multi eorum Epiſcopi, nunc CC aut CCC, nunc CCCC aut etiam DC. Talia autem Concilia utiq; nō erant uera Eccleſia, De quibus ait Pſalmiſta Pſal. 25. Odiui Eccleſiā malignantium, & cum impijs non ſedebō, Alia uero ſunt Catholicorum generalia Concilia, quæ autoritate Ro. Pontificū congregata fuerunt. Quæliā cōmemorata ſunt ſupra, tum ex legibus Imperatorū, tum ex ſacris Canonibus. Ea igitur & uera Eccleſia erant & ipſam poteſtatiue repræſentabant, Ideo & Decreta eorum omnes Orthodoxos & ueros Chriſtianos concernebant atq; obligabant, quia præſidebat in ijs autoritas & ſedes S. Petri, cui di-

Ioh. 21. xit Dominus. Paſce oues meas, neque

LUC. 22.

creden-

CONCILIORVM.

erendum est, talia unquam in fide
errasse. Quia Christus pro Petro ro-
gavit, ne unquam fides eius deficiat.

XXIII. Quin imo proprie loquen-
do, Concilium secundum se semper
representatiua est ecclesia, Ex acciden-
tiautem est aliquando uera et Christia-
na congregatio aut ecclesia.

CO. Hæ Lutheri nugæ, cum neq;
scripturis neq; rationibus nitantur aut
proben- tur, responsione ampliori di-
gnæ non sunt, quia iam supra confu-
tata sunt, Hic unum id admonendus
est lector, quod Lutherus Ecclesiam
representatiuam accipit pro ficta & pi-
cta Ecclesia, quæ solum figura & ap-
parens quædam similitudo sit ueræ Ec-
clesiæ, quomodo aut probabit unquā
Apostata iste, quod Conciliū secundū
se semper sit sic representatiua: Cōstat
enim in plurimis Concilijs sanctissi-
mos fuisse patres, uiua Dei tēpla, lumi-
na mundi, De quibus ait Apostolus,

E 2 Tem.

DE AVTORITATE

1. Cor. 3. Templum enim Dei sanctum est quod
 Math. 5. estis uos. Et ipse Dominus. Vos estis
 (inquit) lux mundi.

XXIII. Nemo igitur tenetur, Re-
 presentatiue Ecclesie aut Concilij De-
 cretis credere, nisi secundum Apосто-
 lorum scripta iudicent & loquantur.
 Quod casu accidit.

Procax CO. Quamuis sæpissime dicat Lu-
impuden- therus, quod casu accidat, quando Cō-
tia Luth. cilium recte iudicat aut decernit, Ne-
 que tamen id ullo uerbo ex scripturis
 probat, cum sit hoc paradoxum eius
 contra omnem scripturam legumq; et
 Canonum attestationem & autorita-
 tem. Summa est igitur impudentia &
 procacitas, tam absurde loqui, & nul-
 lum addere probationis colorē. Nos
 autem supra testati sumus persæpe, id
 nō casu fieri, sed ex uirtute promissio-
 num Christi & instinctu spiritus san-
 cti. Deus enim nō mentitur Num. 23.
 nec mutatur, lac. 1. Neq; est in eo Est
 &

CONCILIORVM.

129

& non, 2. Cor. 1. Verus igitur Christianus, exemplo Abrahamæ, in repromissione Dei non hesitat diffidentia, sed confortatus fide dat gloriam Deo, plenissime sciens quia quæcunq; promissit Deus, potens est & facere, sicut ait Apostolus Ro. 4.

XXV. Reliqua Decreta omnia, mere sunt repræsentatiuæ aut pictæ Ecclesiæ, quibus acquiescere licet, si non sint impia.

CO. Graue profecto peccatum & scandalum est, tam impie ac procaciter loqui de supremo Ecclesiæ Tribunali, absq; omni autoritate scripturæ, ex mera petulantia, contra omnem scripturam & rationem, Certe in ueteri Testamento dicitur. Ipsi indicabunt tibi iudicij ueritatem Deut. 17. Et in nouo ait ipse Christus. Ibi sum in medio eorum Matth. 18. Item. Qui uos audit, me audit: Et qui uos spernit, me spernit. Lutherus autem, uelut Ido-

E ; latra,

DE AVTORITATE

lata, hæc omnia contemnit, contra illud scripturæ I. Reg. 15. Quasi scelus idolatriæ est, nolle acquiescere.

XXVI. Ipsimet quoque dicunt, quod unus homo toti Concilio contradicere, illudque redarguere possit, si meliores probationes aut scripturas pro se habeat.

Reuelatio
Dei ad
paruulos
in Conci-
lio.

CO. Hoc intelligendum est de eo, quod nondum est per Concilium generali decreto conclusum et confirmatum, sed pendet adhuc in deliberationis tractatu. Tunc enim potest etiam ex minimis aut Infimis quispiam per spiritum sanctum aliquid indicare, quod forte maioribus non fuerit reuelatum. Iuxta illud saluatoris. Matth. 11. Confiteor tibi pater, Domine cœli & terræ, quia abscondisti hæc à sapientibus & prudentibus, & reuelasti ea paruulis. Et illud Pauli 1. Cor. 14. Si aliquid reuelatum fuerit sedenti, prior taceat. Deus enim non est acceptor personarum,

Act.

CONCILIORVM.

931.

Act. 10, se o spirat spiritus ubi uult Ioh. 3. Talis tamen homo non redarguit propterea totum Concilium, nam & ipse illius pars est, sed Deus per ipsum reuelat aliquid Concilio, quod per maiores reuelare sibi non placuit.

XXVII. Hoc quidem dicunt, sed mentiuntur, cum id in facto potenter negent atq; condemnent.

CO. Mentitur potius ipsemet Lutherus, Cum ipse met fateatur de Paphnutio, quod is in Concilio Niceno ceteris contradixerit unus, de quo fuerit laudatus. Sic & in actis Concilij Chalcedonensis legitur, quod unus homo, Leo Papa, etiam absens, contradixerit cuidam articulo, quem posuerant DC & XXX Episcopi, atq; etiam effecit, ut articulus ille ommitteretur. Nam antequam in actis concluderetur, miserunt patres illi acta ad Leonem qui tunc sedi preerat Apostolicę, in quibus reprehendit ille articulum

Leo Papa
I. contra-
dixit Con-
cilio.

Ambitio.

DE AVTORITATE

de sedibus Patriarcharum, qui ambitionis laborabat uitio, ubi patres ad complacendum Imp. Martino statuerant, ut Constantinopolitanus Patriarcha præferretur Alexandrino, quod erat contra antiquos Canones. Attamen postea per nimiam Imperatorum instantiam obtinuit tandem Constantinopolitana sedes secundum, & post Romanam proximum locum.

XXVIII. Etiam si angelus de cœlo ueniret, non paterentur eum contradicere ipsis, neque audirent uel innumeros Paphnutios.

CO. Hoc non est uerum, neque id Bulla Indictionis habendi Concilij continet, nec factum est antea unquam. Nemini enim prohibitum est, in Concilio de causa fidei scripturas & rationes proponere, cum fides tangat omnes, sicut ait ad Michaellem Imp. Nicolaus Papa I. Quod autem Lutherus alijque hæretici extra Concilij congregationem

Dist. 96.
c. Vbinā.

gationem Canones & Decreta etiam antiquissimorum Conciliorū repræhendere præsumunt ac temerarie reijciunt, hoc certe contra omnem scripturam & contra omne ius faciunt, Quandoquidem Paulus Apostolus (De quo arroganter cōtra Ecclesiam iactitant sese) præcepit ac docuit in omnibus Ecclesijs custodire præcepta Apostolorum & seniorum quæ Hierosolymis in Concilio constituta erant, sicut habetur Act. 15. & 16.

XXIX. In Concilio Niceno resistebat unicus Paphnutius toti Concilio, & propter hoc non comburebatur sed laudabatur.

CO. Si Lutherus imitaretur Paphnutium, laudaretur & ipse. At longe aliter agit. Paphnutius erat sanctus Episcopus & Confessor, qui in persecutione Maximini Imp. graue passus est martyrium propter nomen Christi, qui effosso sibi oculo dextro, succiso

E 5 etiam

DE AVTORITATE

etiam sinistro poplite, ad metalla fo-
dienda damnatus fuerat, Qui & in mi-
raculis tanta gratia coruscabat, ut uel
Apostolis posset pene par uideri, con-
tinentiæ gloria celebris, & omni uirtu-
te conspicuus, Ideo & apud potentissi-
mum Imper. Constan. in tanta uenera-
tione erat, ut euocatus in Palatium ab
eo complecteretur, & euulsus ille ocu-
lus audioribus eius osculis demulce-

*Luth. maxime disci-
milis Paph-
nutio.* retur, Qui uero in Luthero est, quod
huius Paphnutij uirtutibus conferri
queat? nonne spurcitijs & impietati-
bus foedus est à uertice totus usque ad
plantas? Neq; in hoc facto, quod obij-
cit, Paphnutio similis est. Ille enim in
consultatione duntaxat, antequam
conclusio fieret, aliorum dissuasit sen-
tentiam, Lutherus autem uel antiquis-
sima & tot sæculis approbata per om-
nes Ecclesias Conciliorum decreta
conuellere ac reprobare præsumit,
conuiciator & calumniator sancto-
rum

CONCILIORVM.

235

rum sceleratissimus.

XXX. In Concilio Constantien-
si Duo erant Paphnutij, qui scriptu-
ris instructi resistebant Concilio. At
non laudabantur, sed combureban-
tur.

CO. Iohannes Hus et Hieronymus
de Praga, cum fuerint pertinaces &
obstinati hæretici, traditi sunt à Conci-
lio potestati sæculari, quæ eos iuxta le-
ges & consuetudines, secundum Iuris
ordinem igni adiudicauit, Paphnutio
nulla uirtute cõparandi. Certe ille met Hiero. de
Hieronymus paulò antea Hussi do- Praga.
ctrinam publice damnauerat & abiur-
rauerat, Quam postea humano pu-
dore uictus iterum asseruit. Ideo iu-
re damnatus fuit. Nam & Lutherus ip-
se Bohemorum discidiũ publice dam-
nauit, in suis epistolæ ad Galatas com-
mentarijs & in Disputatione Lipsica,
dixitq; illud Iuri diuino & omnibus
legibus contrarium esse, eo quod sit
contra

DE AVTORITATE

contra charitatem. In qua omnes leges
sumantur.

EPILOGVS,

Hec sint breuiter dicta cōtra XXX
Propositiones Lutheri, quas Vuitten
berge contra sacrorum Conciliorum
autoritatem disputauit, Vnde quilibet,
cui cordi est suæ salutis animæ) fa-
cile cognoscet quanto satius tutiusq;
sit credere & adhærere XXX Testi-
monijs, quæ ex scripturis & alijs pro-
batæ autoritatis scriptis excerpta &
supra breuiter commemorata sunt,
quàm XXX propositionibus Luthe-
ri, quæ neq; in scripturis neq; in ratio-
ne aut ulla probabili autoritati funda-
tæ sunt.

*Luthera-
ni fugiunt
lucē Con-
cilij.* Prouocauerunt quidem Luthera-
ni in Conuentu publico persæpe ma-
gno cū fastu & elatione animi ad Ge-
nerale Concilium: Vbi autem uident
rem nunc serio tractari. Concilijs de-
trahunt, male sibi conscij. Ideo lucem
in

CONCILIORVM

In publico fugiunt, iuxta illud saluatoris, Ioh. 3. Omnis qui male agit, odit lucem. Misereatur Deus simplicium & rectorum corde, qui cupiunt & ueritati assistere, & in Ecclesiæ unitate permanere aut esse, ut liberati ab omni fraude, errore & impietate, læti & securi dicant cum Psalmista, Ecce quam bonum & quam iucundum, habitare fratres in unum. Psal. 132.

DE AVTORITATE

& potestate Concilij Generalis LXX

Propositiones Iohannis Co-
chlæi.

Post Christum non est maior super terram autoritas & potestas quam est Apostolicæ sedis S. Petri & Generalis Concilij.

2. Christus enim Petro præ omnibus alijs clauēs regnū cœlorū promisit, Matth. 16.

3. Præ

DE AVTORITATE

3. Præ omnibus quoque alijs commisit ei tandem oves suas pascendas, dicens, Simon Iohannis diligis me, plus his. Ioh. 21.

*Note plus
his,*

4. Cæteri quoque Apostoli Petrum post Christum semper pro supremo habuerunt, Quemadmodum Actus Apostolorum in plerisque locis attestantur.

Act. 1. 2. 3

4. 5. 6. 8

15.

5. Hinc sequitur, eos, qui Petri sedem contemnunt, claves quoque, quas Christus Petro promisit ac dedit, contemnere.

6. Quisquis autem huiusmodi claves contemnit, is & Christi, qui eas tradit, auctoritatem ac potestatem contemnit.

7. Et ad ovile atque ad gregem Christi nequaquam pertinet talis, quia non audit vocem pastoris, quem Christus constituit, & oves suas pascere iussit.

8. Quare non poterit talis in extremo iudicio consistere inter oves ad dexteram, sed stabit ad sinistram inter hædos,

hædos, æternæ damnationi obnoxius
Matth. 25.

9. Neq; pro Christiano haberi potest
is qui generale Concilium contemnit.

10. In eo enim supremum retinet locum
successor Petri cum plena clauum
potestate.

11. Et Christus ipse dixit, Si ecclesiam
non audit, sit tibi sicut Ethnicus & Pu
blicanus. Matth. 18.

12. Quapropter qui Generale Con
cilium contemnit, is quoq; contemnit
ipsum met Christum, qui in medio
Concilij, in nomine suo congregati,
existit. Ibidem.

13. Contemnit & spiritum sanctum,
quem Christus Ecclesiæ promisit, ut
cum ea maneat in æternum, Ioh. 14.

14. Ei autem, qui peccat in spiritum
sanctum, non remittetur peccatum,
neq; in hoc sæculo neque in futuro,
Matth. 12.

15. Neq;

DE AVT ORITAT E

15. Neq; Christi membrum esse potest, quicumq; in Generali Concilio Ecclesiam non vult audire, Ipsa enim est corpus Christi. Ephe. 1.

16. Vult item maior esse Apostolo Paulo, qui se humiliter submitit Concilio Hierosolymis Act. 15.

17. Facit præterea contra ordinationē Dei, dum superiori potestati, Concilij uidelicet (quam agnoscit ac ueneratur omnis Christianorum potestas) resistit, & damnationem sibi acquirit. Ro. 13.

In Anc. 18. Sed & Imperialibus resistit legibus, quæ præcipiunt. Quatuor prima
Colla. 9. Concilia acceptanda esse perinde
Consti. 6. atq; Quatuor Euangelia.

19. Incidit insuper in graue crimen Inobedientiæ, quod assimilatur crimini Idolatriæ 1. Reg. 15.

20. Est & diffidentiae filius, super quem uenit ira Dei, dum Christo & spiritui sancto (qui in medio Concilij sunt)

CONCILIORVM.

sunt) fidere non uult. Ephes. 5.

21. Quare contemnendus est talis, tanquam Ethnicus & Publicanus, dum ipse Ecclesiam, à Concilio repræsentatam, contemnit. Matth. 18.

22. Quomodo enim talis pro uero Christiano haberi queat, cū ipse Christum & spiritum sanctum qui in medio Concilij sunt, contemnat, arguat mendacij, pedibusq; conculcet?

23. Neq; item de sacra scriptura uere gloriari, aut confidere potest: Cum tot scripturæ loci (ut dictum est) Concilia (quæ ipse contemnit) approbent atq; confirment.

24. Quin imo conatur, uelut Antichristus, Christus æternam ueritatem, mendacem facere in tam multis Euangelij sui promissionibus.

25. Dicimus igitur cum S. Augu- Aug. ad
lanua. E
pist. 118.
stino. Insolentissimæ esse insanie Gene-
ralium Conciliorum autoritatem ac
potestatem contemnere.

F

26. Quin

DE AVTORITATE

C. de sum 26. Quinetiam talis, qui Concilia
ma Trini. spernit, iure ac merito est in Excom-
lib. 3. municatione summi Pontificis & in
In Anc. Banno Imperiali.

Col. 8. Cō 27. Neq; ullo dignus est honore,
stitut. 12. sed infamis est, Cui secundum leges
omnes dignitatum portæ clausæ sunt,
& nulla competit hæreditas.

28. Neq; releuat eum dictum istud.
Oportet Deo magis obædire quàm
Ast. 5. hominibus. In Concilio enim potius
Christo & spiritui sancto obæditur
quàm hominibus.

29. Quamuis autem in huiusmodi
congregatione homines sint, Ex mul-
tiplici tamen scripturæ testimonio ma-
gis credendum est, quod ex diuino in-
stinctu quàm ex humana opinione
aut coniectura decernant.

30. Christus enim clare dicit. Non
uosestis qui loquimini, sed spiritus pa-
tris uestri, qui loquitur in uobis. Mat-
thæi 10.

31. Cuius

CONCILIORVM.

243

31. Cuius sane rei probatum habemus exemplum in scriptura de primo Concilio, cuius decretum sic incipit, Visum est spiritui sancto & nobis. Act. 15.

32. Si enim huiusmodi Decreta potius humana quam diuina esse censerentur, pluris fierent homines quam Christus et spiritus sanctus qui in medio Concilij sunt.

33. Forent itaq; ibi frustra Christus & spiritus sanctus si nullam haberent in Concilio per instinctum diuinum operationem.

34. Multæ quoq; Christi in Evangelio promissiones inanes forent & falsæ, quæ sunt Concilio & Ecclesiæ de ipso & de spiritu sancto factæ.

35. Quare Conciliorum Canones & Decreta, non pro humanis ad inuentio nibus, sed pro operibus et inspirationibus sancti spiritus, haberi debent.

36. Hoc probe sciens Imperator Iustin. dixit, quod leges non dedignentur In Att. Colla. 6.
E 1 tur Consti. 11.

DE AVTORITATE

tur sequi Canones : quos proinde sacras & diuinas uocauit regulas.

37. Et adhuc melius sciuit hoc S. Paulus, qui ad Thessalonicenses scribens ait, Cum accepissetis à nobis uerbum auditus Dei, accepistis illud, non ut uerbum hominum, sed sicut est uere uerbum Dei.

38. Ideo ñ, qui Generalium Conciliorum Canones reijciunt, filij sunt incredulitatis diffidentiaëq; & desperationis, quia non credunt neq; confidunt Christo & spiritui sancto in medio Concilij præsentibus.

39. Neque ueraciter credunt sacrae scripturae, in qua tam multiplicia reperiuntur de potestate & auctoritate Conciliorum, testimonia.

40. Neq; iuuat eos, quod clamant & scribunt, Concilia Generalia sæpe sibi inuicem esse contraria. Hoc enim non est uerum.

41. Quemadmodum Otto Brunfelsius,

CONCILIORVM.

felsius, lingua calamoq; blasphemus; Otto Brū
impie dicebat. Quatuor Evangelia sic *felsius in*
esse sibi inuicem contraria, ut nulla ra- *proble. 1.*
tione concordari possint, quicquid di
cat Augustinus.

42. Quamuis enim quedam Decre
ta, secundum literam sibi inuicem con
traria esse uideantur: secundum spiri
tum tamen & uerum sensum contra
ria non sunt.

43. Si enim considerentur causæ,
tempora, personæ, loca &c. quæ di
uersa sunt, facile comperitur, quod ta
lia decreta, quæ secundū literam con
trarie sonant, secundum prædictarum
circumstantiarum diuersitatem, bene
& rationabiliter posita fuerint.

44. Cuius rei exemplum habemus
in primo sane Cōcilio Hierosolymis,
ubi Apostoli & seniores præcipie
bant fratribus ex gentibus, ut abstine
rent à sanguine & à suffocato.

45. Quod utiq; eo tempore æquū

DE AVTORITATE

ac necessarium (teste scriptura) erat,
Nunc uero multisq; ante nos sæculis
aliter obseruatum est, quia causa illius
decreti desijt & cessauit.

*Hilar. In lib. de sy-
nodis. In fin.* 46. Quemadmodum & Hilarius
scribit, quod Concilium quoddam in
Antiochia noluit recipere hanc uo-

cem Homouision, quod postea rece-
pit & approbavit Concilium Nice-
num, magnum illud & sacratissimum.

47. Ambo tamẽ recte egerunt. An-
tiochenum namq; eam uocem reiecit,
vide hist. ecclæ. lib. 7. c. 25. propter hæresim Pauli Samosatensis,
qui Christum purum hominẽ esse di-
cebat. Homouision nobis, sicut quili-
bet homo est. In eo igitur sensu reiecit
uocem istam Concilium illud.

48. Arrius autem, cum nollet confi-
teri. Christum unius & eiusdem natu-
ræ esse cum Deo patre, damnatus est,
et contra hanc eius heresim dixit Nice-
num Concilium Christum Homou-
ision patri.

49. Est

CONCILIORVM.

49. Est igitur in spiritum sanctum blasphemia (qui in Concilijs regit & inspirat) quando dicitur, quod Concilia sepe sibi inuicem contraria fuerint. Ipse enim pacis, non dissensionis est Deus. 1. Cor. 14.

50. Quorum autem aliqui dicunt, Concilium non habere auctoritatem aut potestatem statuendi, aliquid, quod in sacris literis non sit contentum, neque hoc uerum est.

51. Nam mox in primo Apostolorum & seniorum Concilio contrarium reperitur, Ibi enim statutum fuit, *Act. 15.* ut abstinere fideles à sanguine & à suffocato. Quod certe neque in Evangelio neque in ulla noui Testamenti scriptura continetur aut positum est.

52. Manifestum quoque est, quod multa obseruantur et creduntur in Ecclesia Catholica, quæ in sacris literis non commemorantur aut continentur.

53. Quis enim ignorat, nos teneri

B 4 ad

DE AVTORITATE

ad credendum, quod Christus sit pater Homousius aut Consubstantialis, iuxta Niceni Concilij decretum, Et tamen uerba ista in scripturis nusquam sunt expressa.

Luth. contra Iacobum Lathomum. 54. Idcirco iuste damnatur de hoc Lutherus, Arrianos in hoc laudans, quod reijciebant Homousion, dicens scelerato mendacio, quod multi sancti patres, atq; etiam S. Hieronymus, noluerunt hanc uocem recipere.

55. Tenemur itē credere, quod sunt Tres personæ in una diuina essentia, quod Maria Dei genitrix post partum uirgo permansit, quod duæ sunt naturæ in una persona Christi, Hi tamen articuli fidei non sunt ita in scripturis expressi.

Luc. 10. 56. Christus non alligauit nos ad scriptum Euangelium, ut nihil aliud credamus, sed præcepit nobis audire ipsius discipulos & Ecclesiam.

2. Thes. 2. 57. Similiter testificatur & Paulus, non

CONCILIORVM.

non omnia esse scripta, Ait enim. Itaque fratres state & tenete traditiones quas didicistis siue per sermonem siue per epistolam nostram.

58. Si ergo Pauli doctrina (qui inter Apostolos plus omnibus laborauit & scripsit) non tota in scriptis continetur: quanto minus aliorum Apostolorum (qui aut nihil aut parum in scriptis nobis reliquerunt) doctrina est tota in sacris literis contenta?

59. Ideo Ecclesiæ ordinationes & Ceremoniæ, quæ in scripturis non continentur, nequaquam sunt reiiciendæ, tanquam adinventiones humanæ, sed religiose obseruandæ, tanquam constitutiones diuinæ, per Apostolos & sanctos patres diuino instinctu introductæ.

60. Omnes enim huiusmodi ordinationes & consuetudines institutæ sunt uel ab Apostolis uel à plenarijs. *Aug. ad Ian. epist.* 118. (ut ait Augustinus) Concilijs, quorū

E 5 salubere

DE AVTORITATE

saluberrima est in Ecclesia autoritas.

61. Cum igitur unusquisque Christianorum suo teneatur obædire Episcopo aut Præposito in causis Ecclesiasticis, uti præcipit Apostolus Heb. 13.

62. Quanto magis tenetur unusquisque obædire summo Pontifici (cui & ipsi Episcopi subditi esse debent) tanquam supremo in terris pastori & Vicario Christi.

63. Et adhuc amplius Vniuersali Ecclesiæ in Generali Concilio, in quo & Ro. Pontifex membrum (licet summum ac uelut caput) esse reperitur.

64. Quamuis enim nō possunt omnes Christiani in proprijs personis ad generale Conciliū congregari: omnes tamen ibi sunt uirtualiter in pleno mandato suorum superiorum, qui tenentur pro eis respondere & rationem reddere, ut ait Apostolus Heb. 13.

65. Quanquam uero Hæretici ad sacram prouocant scripturam, nequaquam

CONCILIORVM.

quam tamen credendum est, eos meliorem habere scripturę intelligentiam quàm habeat generale Concilium.

66. Concilium enim Generale multa habet pro se scripta. & testimonia, tum de Christo, tum de spiritu ueritatis. Hæretici uero ne unum quidem lota scripturę habent pro se, sed totam scripturam contra se.

67. Quapropter in sensu quoq; & expositione scripturę (de qua inter Catholicos & hæreticos contentio est) longe magis Ecclesię quàm hæreticis immo soli Ecclesię & membris eius, hæreticis uero nequaquam, credendum est.

68. Ambę nanq; clauis, potestatis uidelicet & scientiæ, in Euangelio traditæ sunt Petro & Ecclesię non Luthero aut ulli alteri hæretico.

69. Quisquis aut scientia inflatus, plus uult scire & sapere quàm scit & sapit Catholica Ecclesia, is absq; charitate

DE AVTOR. CON.

Iob. 41. tate est & filius superbie, Cuius Rex
Diabolus est, qui in libro Iob Behemoth & Leviathan dicitur.

1. Tim. 6. 7a. Recte igitur ait Apostolus. Si
quis aliter docet, & non acquiescit sanis sermonibus Domini nostri Iesu Christi, & ei quæ secundum pietatem est doctrinæ, superbus est, nihil sciens, sed languens circa quæstiones & pugnas verborum. Ex quibus oriuntur invidiæ, contentionēs, blasphemiæ, &c.

ERRATVLA MI LEC

tor sic corrige.

Fol. 3. pag. 6. lin. 8. Noue. Fol. 4. pag. 7. lin. 6.
 etiam. Fol. 5. pag. 9. lin. 2. ut. Fol. 6. pag. 11. lin. 7.
 etiam. Ead. pag. lin. 15. Deuteronomio. Fol. 10.
 pag. 2. lin. 15. quoq; Fol. 12. pag. 8. lin. 6. insinua
 ta. Ead. pag. lin. 21. Secundum. Fol. 17. pag. 2.
 lin. 1. Imperio. Fol. 19. pag. 6. lin. 2. Vercellenses.
 Fol. 23. pag. 13. lin. 19. saluatoris. Ead. fol. pag.
 14. lin. 5. profecto. Fol. 24. pag. 15.
 lin. 14. murus.

Paulus ad Ro. 16. cap.

**Deus autem pacis conterat Sathanam sub
pedibus uestris uelociter.**

**MOGVNTIAE AD D.
VICTOREM EXCV.
debat Franciscus Behem.**

1546.

99 951554